



## UITAKANU ESHI-NIKANASHTAKANIT TSHE AITINANUT E ATUSSESHTAKANIT TSHISHE-UTSHIMAU TAPUETATISHUN

Shash au muku upau-pishimu e tananut, eku tshipakushenimitinan tshi minutameku tipatshimun anite tshetshipannanut e uauitakanit nana ute shetan-pishimua. Eku ume anutshish uenuipanitaiat, mishta-apatana ute nishuaush etashtet tepanakanit uiauitakanit tshishe-utshimau tipenimitishun mak ne peikushteu etashtet tepanakanit uiauitakanit e takuaimatakanit e kuishkushinanut mak kamakunueshiu-atusseun. Tshui tshissiumitinan kie tshi kanuenitameku neni ka ishpish unuipanitaiat tipatshimuna tshetshi kassinu tekash kanuenitameku eshi-uauitakanit tshishe-utshimau-tapuetatishun. Kie tshika tshi natshiuapatenau anite nitapunat tekuat atusseu-katshitapatakanit anite tepanakanit uiauitakanit Tshishe-utshimau tapuetatishun.

[www.petapan.ca](http://www.petapan.ca)

[info@petapan.ca](mailto:info@petapan.ca)



Tshima minutameku eshi-tipatshimunanut !

## 8 E TIPANAKANIT – tshishe-utshimau tipenimitishun

- Anite Tshishe-utshimau tapuetatishunit nishtuapatakanu tshitshishe-utshimau tipenimitishunnu mak uitakanu ute tepanakanit tan tshe ishi-pimipanitakanit.
- Papeiku anitshenat « Premières Nations » tshika ishinakuannu tshi tshimanitishutau e ashpatshishimuatshet ne « Constitution » eshnikatet eshku eka pimipanitakanit tshishe-utshimau tapuetatishun.
- Eku ne « Constitution » ekute tshe utshipanikau neni nutim takuaikana kie neni kassinu papeiku takuaikan tshe ishi-utinamatishunanut ekute tshe mashinatekau.
- Ute tepanakanit, eka uin ait ishi-ueueshtakanit innu-takuaikana ushkat tshika nashakanua eshku eka Ottawa takuaikana kie ma Québec takuaikana nashakaniti.
- Anite innu Assit, nutim innuat tshika katshitukuat innu-takuaikana.

- Eku ne eshinkatamushku Nitassinan, innu-takuaikana tshika apatana e innu-aitunanut meshekut anitshenat ka mashinatutaishiht tshika katshitukuti nenu innu-takuaikana.

## 9 E TIPANAKANIT – E takuaimatakanit anite ka ueueshtakanit

- Ute uauitakanu, tshetshi tshamatakanit innuat uka-ueueshtakanimuau.
- Eka menupaniuekau innu-takuaikana anitshenat Premières Nations tshika uitamueuat e nishiniti tshishe-utshimaua tshe tshimatat utinnu- ka –ueueshtakanimuau.
- Eku ne eka takuat innu-ka-ueueshtakanit, ka mishta-ueueshtakanit mak Uepishtikueiau ka ueueshtakanit uinuau tshika ueueshtauat eka minupaniueniti e ishpitenitamuatau eshinniuniti innua.
- Mitshetuait tshika ishi-ueueshitishuht Premières Nations, miam umeni :
  - eshi-pimutenanut e uitshiuet nishtutatitanut,
  - tshe ishi-pimutenanut tshe ui nishtutatitanut,
  - e ushakupinanut e ueueshtakanit ,
  - ka tshi pushipaniakanit auen
- Anitshenat Premières Nations tshika ukamakuneshimuat kie uinuau tshika takuaimueuat mak tshika nishtuapamukuht e nushiniti kakusseshiu-tshishe-utshimaua kie peikuan tshipa tshi kassinu ukamakuneshimuaua mamuneuat kie mishue tshika tshi atusseuiat innu-assit.
- Premières Nations tshika tshi nishtutatu ashit kakusseshiu-tshishe-utshimaua passe etshi-ueuetinak eka menupanitat auen, miam e tipaimuakanit auen uenitishunakanit mak tshi takuaimatakanit mitshuap ka ueueshipaniat auennua.

